

CONVENIO DE COLABORACIÓN ENTRE A CONSELLERÍA DE CULTURA, EDUCACIÓN E UNIVERSIDADE, DA XUNTA DE GALICIA E A REAL ACADEMIA GALEGA DE BELAS ARTES DE NOSA SEÑORA DO ROSARIO PARA O FINANCIAMENTO DE GASTOS CORRENTES E DE CAPITAL DESTINADOS Á REALIZACIÓN DE DIVERSAS ACTIVIDADES DE INVESTIGACIÓN E DIVULGATIVAS DO NOSO PATRIMONIO CULTURAL .

Santiago de Compostela, 29 de abril do 2022

REUNIDOS

Dunha parte, don Román Rodríguez González, actuando en representación da Consellería de Cultura, Educación e Universidade, en virtude do seu cargo de conselleiro, en exercicio das facultades que lle confire o artigo 34 da Lei 1/1983, de 22 de febreiro, reguladora da Xunta e da súa Presidencia, así como o artigo 7 da Lei 9/2007, do 13 de xuño, de subvencións de Galicia.

Doutra, don Manuel Quintana Martelo, na súa condición de presidente da Real Academia de Belas Artes de Nosa Señora do Rosario, en nome e representación da entidade, segundo as facultades que lle outorga o artigo 23 do Decreto 141/2004 do 25 de xuño.

Ámbalas dúas partes teñen plena capacidade para levar adiante o presente convenio de colaboración e por tanto,

EXPOÑEN

Primeiro. Que a Xunta de Galicia asume a xestión das funcións sobre o patrimonio cultural en virtude do Real decreto 2434/82, do 24 de xullo, sobre traspaso de funcións do Estado á Comunidade Autónoma de Galicia en materia de cultura, de acordo co establecido no artigo 27.18 do Estatuto de Autonomía, en consonancia co estipulado no artigo 148.1.16 da Constitución Española, ámbito desenvolvido na Lei 5/2016, do 4 de maio, do patrimonio cultural de Galicia.

Que o Decreto 392/2003, do 23 de outubro, polo que se regula o exercicio pola Comunidade Autónoma de Galicia das competencias en materia de academias de Galicia, complementa o Decreto 373/2003, do 16 de outubro, sobre actuacións por parte da Comunidade Autónoma de Galicia en materia de academias e a súa asignación a diversos departamentos da Xunta de Galicia.

Segundo. A Real Academia de Belas Artes de Nosa Señora do Rosario fundouse por Real decreto do 31 de outubro de 1849, rexéndose actualmente polo Decreto 141/2004, do 25 de xuño, polo que se aproban os seus estatutos.

A Real Academia Galega de Belas Artes de Nosa Señora do Rosario, asociada ao Instituto de España, é unha corporación oficial que baixo o alto padroado de Súa Maxestade o Rei, ten como finalidade actuar como institución consultiva da Administración estatal e autonómica en todo o relativo á protección, acrecentamento e transmisión ás xeracións futuras dos bens culturais, segundo o previsto nos artigos 3.2 da Lei 16/1985, de patrimonio histórico español, e 7.3 a) da Lei 5/2016, do 4 de maio, do patrimonio cultural de Galicia, así como promover e realizar estudos de investigación e para o fomento e desenvolvemento das manifestacións artísticas dentro de Galicia.

O importante fondo documental, bibliográfico e artístico que posúe a Real Academia Galega de Belas Artes, e o seu incremento constante, obriga a realizar un proceso de catalogación permanente. Co fin de cumprir cos seus obxectivos, e por mor da crecente demanda de consultas de fondos e documentación por parte de diversas institucións públicas e privadas, para a realización de estudos e procesos de investigación encamiñados á protección e conservación do patrimonio, ten a necesidade de efectuar labores de conservación, catalogación, estudo e difusión do noso patrimonio cultural.

Terceiro. A Consellería de Cultura, Educación e Universidade, dentro dos seus ámbitos de competencias amósase receptiva a todas aquelas iniciativas culturais que teñan por obxecto a protección e conservación do noso patrimonio cultural.

O estado de gastos da Lei de orzamentos da Comunidade Autónoma para o ano 2022, recolle unha subvención a favor da Real Academia Galega de Belas Artes de Nosa Señora do Rosario.

Cuarto. Para tal efecto e dado o interese coincidente de ámbalas dúas partes, a Consellería de Cultura, Educación e Universidade da Xunta de Galicia e a Real Academia de Belas Artes da Nosa Señora do Rosario da Coruña, coñecedoras da importancia que ten a colaboración mutua en materia de conservación e protección do noso patrimonio cultural, subscriben o presente convenio conforme ás seguintes

CLÁUSULAS

Primeira: definición do obxecto

É obxecto do presente convenio entre a Consellería de Cultura, Educación e Universidade e a Real Academia de Belas Artes de Nosa Señora do Rosario, o financiamento de parte dos seus gastos correntes e de capital necesarios para a realización de actividades de catalogación, conservación, estudo, investigación e divulgación do noso patrimonio cultural, que de seguido se especifican:

1. Catalogación de fondos académicos
2. Acondicionamento de espazos
3. Equipamento informático para catalogación, arquivo, administración
4. Comisións, sesións, informes e peritaxes
5. Promoción das Artes. Galardóns, Premios ou Medallas “Marcial de Adalid”
6. Medalla de Honra
7. Actividades culturais, conferencias, cursos
8. Exposicións
9. Impresión de materiais e páxina web
10. Conservación do Patrimonio Artístico Académico
11. Normativa sobre acceso, consulta e reprodución dos fondos da Academia

De acordo co artigo 26 da Lei de subvencións de Galicia, para o outorgamento desta axuda non é posible promover a concorrência pública por canto a Real Academia, custodia unha serie de fondos artísticos e documentais, en proceso de catalogación, que constitúen un ben único e están dotados dun marcado carácter singular dentro do patrimonio cultural galego, que non se atopan en poder de ningunha outra institución, polo que existen razóns de interese social no tocante á preservación do legado da academia, actuación que se encadra de cheo no ámbito de competencias desta consellería.

Por todo o anterior e para dar cumprimento ao establecido no proxecto de orzamentos xerais da Comunidade Autónoma de Galicia para 2022, no que se recolle unha subvención a favor Real Academia de Belas Artes de Nosa Señora do Rosario, é polo que se tramita este convenio coa Real Academia de Belas Artes de Nosa Señora do Rosario que posúe a especificidade como beneficiario así como a actuación subvencionada e o interese social da axuda concedida.

Segunda: achega económica

A Consellería de Cultura, Educación e Universidade da Xunta de Galicia, contribuirá con cargo aos vixentes orzamentos da Comunidade Autónoma, na seguinte contía por aplicacións orzamentarias:

- 10.41.433A.481.2: 30.000,00 €
- 10.41.433A.781.3: 20.000,00 €
- **Total: 50.000,00 €**

A Consellería de Cultura, Educación e Universidade realizará **pagamentos anticipados** de ata un 50% da axuda concedida ao abeiro do establecido no artigo 63 do regulamento da Lei 9/2007, do 13 de xuño, de subvencións de Galicia.

Será compatible a percepción doutras axudas para o mesmo proxecto sempre que, illada ou en concorrencia con subvencións ou axudas doutras administracións públicas ou doutros entes públicos ou privados, non supere o custo da actividade que vai desenvolver o beneficiario.

Terceira: obrigas do beneficiario

O beneficiario comprométese a:

- Contratar os medios humanos, técnicos e materiais necesarios para o axeitado desenvolvemento dos traballos, de acordo coa lexislación de contratos do Sector Público, na medida na que resulte de aplicación.
- Executar, no prazo de vixencia do presente convenio, o investimento obxecto do mesmo.
- Solicitar á Consellería de Cultura, Educación e Universidade da Xunta de Galicia os informes e autorizacións preceptivos das actuacións, así como de calquera modificación que xurda no desenvolvemento das mesmas.
- O beneficiario consinte expresamente a inclusión dos datos relevantes deste convenio nos rexistros públicos que proceda, de acordo co artigo 16 da Lei de subvencións de Galicia.
- En todo o material gráfico e divulgativo que se realice do proxecto, incluírase a imaxe institucional da Xunta de Galicia, como entidade colaboradora.
- A sinatura deste convenio implica, de ser o caso, a autorización á Dirección Xeral de Patrimonio Cultural da Consellería de Cultura, Educación e Universidade para solicitar as certificacións acreditativas de que se atopa ao corrente das obrigas tributarias estatais e autonómica e da seguridade social, así como que non ten pendente de pagamento ningunha outra débeda, por ningún concepto coa Administración Pública da Comunidade Autónoma de Galicia, de acordo co establecido na Lei orgánica 15/1999, do 13 de decembro, de protección de datos de carácter

persoal, disposición adicional cuarta da Lei 40/1998, de 9 de decembro, do imposto sobre a renda das persoas físicas e outras normas tributarias, e demais disposicións de aplicación.

- O beneficiario está obrigado a relacionarse exclusivamente por medios electrónicos coa Administración. Artigo 14.2 da Lei 39/2015, do procedemento administrativo común das administracións públicas.
- O beneficiario deberá presentar cuberto o ANEXO I (na fase de solicitude e/ou primeira fase) e o Anexo II (na fase da xustificación) que se achegan.

Cuarta: comisión paritaria

Noméase unha comisión mixta de seguimento e control integrada por dous membros de cada unha das dúas partes. Esta comisión será a encargada de solucionar as controversias que se poidan suscitar na interpretación do convenio.

Quinta: xustificación dos investimentos

Gastos subvencionables

Consideraranse subvencionables os gastos que, sendo considerados coma investimentos reais nos códigos que definen a clasificación económica dos gastos públicos, respondan de xeito indubidable á natureza da actividade subvencionada e se realicen no período de vixencia do convenio. Consideraranse subvencionables os gastos realizados dende o 1 de xaneiro do 2022 ata a data límite de vixencia do convenio.

Os tributos son gastos subvencionables cando o beneficiario da axuda os aboa efectivamente. En ningún caso se consideran gastos subvencionables os impostos indirectos cando sexan susceptibles de recuperación ou compensación, nin os impostos persoais sobre a renda.

De acordo co artigo 29.2 da Lei de subvencións de Galicia, considerarase gasto realizado o que foi efectivamente pagado con anterioridade á finalización do período de vixencia do convenio.

Cando o importe do gasto subvencionable supere as contías establecidas, no artigo 23.1 da Lei 14/2013, do 26 de decembro, de racionalización do sector público autonómico, para o contrato menor, a entidade deberá de solicitar un mínimo de tres ofertas de diferentes provedores con carácter previo á contratación do compromiso para a obra, servizo ou subministración de que se trate, agás, que polas súas especiais características non exista mercado suficiente de provedores ou que o gasto fose realizado con anterioridade á data de sinatura de concesión da subvención, o cal deberá de quedar acreditado na documentación xustificativa que se achegue para o percepción da axuda.

Documentación a presentar

A documentación requirida na fase xustificativa presentárase electronicamente accedendo ao expediente de código de procedemento XGCV00 na Carpeta do cidadán da persoa solicitante/representante, <https://sede.xunta.es/carpeta-do-cidadan>.

Para a percepción da axuda será necesario presentar electronicamente a seguinte documentación:

- Unha memoria da actuación, xustificativa do cumprimento das condicións impostas neste acordo, con indicación das actividades realizadas e dos resultados obtidos.
- Unha memoria económica, asinada polo órgano competente da entidade, xustificativa do custo das actividades realizadas, que conterá:
 - Unha relación clasificada dos gastos e investimentos, segundo o modelo que se xunta como Anexo I.
 - As facturas ou documentos de valor probatorio equivalente no tráfico xurídico mercantil ou con eficacia administrativa.
 - Extractos ou certificacións bancarias acreditativos do pagamento das facturas que forman parte da conta xustificativa. No suposto de que o xustificante de pagamento inclúa varias facturas, deberase xuntar unha relación delas.
- Declaración de axudas percibidas ou solicitadas para este proxecto, na que se indique entidade concedente, data e importe total concedido (Anexo II).

Prazo para a xustificación dos investimentos

O prazo máximo para a xustificación dos investimentos será ata o **30 de novembro de 2022**.

Pagamento da subvención

O pagamento da subvención realizarase unha vez comprobada a xustificación presentada e a realización do proxecto para o cal se concedeu. O pagamento realizarase pola parte proporcional da contía da subvención efectivamente xustificada.

Cando se advirta un exceso de financiamento da actividade subvencionada, respecto do custo do proxecto, a Consellería de Cultura, Educación e Universidade efectuará a dedución polo importe total do exceso, ata o límite da subvención outorgada por ela.

Pagamentos a conta

Poderanse realizar pagamentos fraccionados a conta que responderán ao ritmo de execución das actividades subvencionadas, e aboaranse pola contía equivalente á xustificación presentada, ata o límite do 80% do importe total da achega.

A contía restante, aboarase unha vez xustificada a realización das actividades subvencionadas na súa totalidade.

Efectos da falta de xustificación

A falta de xustificación dos investimentos dentro do prazo establecido, determinará a perda do dereito ao cobramento total ou parcial da subvención.

Sexta: facultades da Consellería de Cultura, Educación e Universidade

A Consellería de Cultura, Educación e Universidade, a través dos seus servizos técnicos, resérvase a facultade de realizar as inspeccións e comprobacións que considere necesarias co fin de asegurar o cumprimento das normas e requisitos cos que se concede esta axuda.

A Consellería de Cultura, Educación e Universidade, non asume máis obriga que a de achegar a cantidade prevista na cláusula segunda do presente documento. A subscrición do presente convenio non leva consigo por si soa relación contractual ningunha cos profesionais que realicen as actividades obxecto do presente convenio.

Sétima: Notificación electrónica

Segundo o artigo 14.2 da Lei 39/2015, do 1 de outubro, do procedemento administrativo común das administracións públicas, os colectivos que están obrigados a relacionarse a través de medios electrónicos coas administracións públicas, e polo tanto, a recibir notificacións por canles electrónicas son: as persoas xurídicas, as entidades sen personalidade xurídica, os colexios profesionais, os que representen un interesado que estea obrigado a relacionarse electrónicamente coa Administración e os empregados das administracións públicas para os trámites que realicen con elas por razón da súa condicións de empregado público.

As notificacións realizaranse só por medios electrónicos a través do Sistema de Notificación Electrónica de Galicia Notific@, <https://notifica.xunta.gal>. Para poder acceder a unha notificación electrónica, o interesado deberá contar cun certificado electrónico asociado ao NIF que figure como destinatario da notificación (persoa física ou xurídica). Así mesmo, o interesado pode autorizar a calquera outra persoa a acceder ao contido das súas notificacións.

Oitava: período de vixencia

A vixencia deste convenio será dende o día da súa sinatura ata o **31 de decembro de 2022**.

Novena: outras obrigas do beneficiario

O beneficiario queda obrigado a:

- Non alterar o destino da achega.
- Realizar a correspondente execución segundo o plan proxectado pola Consellería de Cultura, Educación e Universidade.

- Admitir as inspeccións e controis que establezan os servizos técnicos da Consellería de Cultura, Educación e Universidade.
- A efectuar a xustificación de gasto na forma preceptuada neste convenio.
- O beneficiario ten a obriga de prestar colaboración e facilitar tanta documentación lle sexa requirida no exercicio das funcións de control que lle corresponden á Intervención Xeral da Comunidade Autónoma e ó Consello de Contas.
- Ademais son obrigas do beneficiario todas as establecidas polo artigo 11 da Lei de subvencións de Galicia.

Décima: subcontratación e reintegro

A entidade beneficiaria poderá subcontratar totalmente a actividade. En ningún caso poderán subcontratarse actividades que, aumentando o custo da actividade subvencionada, non acheguen valor engadido ao seu contido.

Considérase subcontratación a concertación total ou parcial da actividade que constitúe o obxecto da subvención; quedan fóra deste concepto os gastos nos que ten que incurrir a entidade para a realización de seu da actividade subvencionada.

En todo o non previsto expresamente nesta cláusula para a subcontratación, estarase ao disposto polo artigo 27 da Lei de subvencións de Galicia e no artigo 43 do seu regulamento.

Procederá o reintegro parcial ou total da subvención nos casos previstos polo artigo 33 da Lei de subvencións de Galicia.

Décimo primeira: rexistro de convenios, transparencia e bo goberno

A sinatura deste convenio suporá o consentimento expreso por parte da Real Academia de Belas Artes Nosa Señora do Rosario para que a Administración galega inclúa e faga públicos os datos referidos a dito convenio, de conformidade co artigo 15 da Lei 1/2016, do 18 de xaneiro, de transparencia e bo goberno e co disposto nos Decretos 126/2006, do 20 de xullo, e 132/2006, do 27 de xullo, polos que se regulan o rexistro de convenios da Xunta de Galicia e os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006, respectivamente.

O contido deste convenio será publicado na Base de Datos Nacional de Subvencións, nos termos previstos no artigo 20 da Lei 38/2003, do 17 de novembro, xeral de subvencións, modificado polo artigo 30.3 da Lei 15/2014, do 16 de novembro, de racionalización do sector público e outras medidas de reforma administrativa.

A Real Academia de Belas Artes Nosa Señora do Rosario deberá dar cumprimento ás obrigas de publicidade que se establecen no artigo 18 da Lei 38/2003, do 17 de novembro, xeral de

subvencións, modificado polo artigo 30.2 da Lei 15/2014, do 16 de setembro, de racionalización do sector público e outras medidas de reforma administrativa.

Décimo segunda: réxime xurídico

En todo o non previsto no presente convenio será de aplicación a Lei 9/2007, do 13 de xuño, de subvencións de Galicia e a súa normativa de desenvolvemento. Aplicarase con carácter supletorio a Lei 38/2003, do 17 de novembro, xeral de subvencións.

As cuestións litixiosas xurdidas da aplicación do presente convenio, e non solventadas en vía administrativa, será resoltas pola xurisdición contencioso-administrativa.

Décimo terceira: rescisión do acordo

O presente convenio resolverase polo incumprimento total ou parcial dalgunha das cláusulas que o regulan.

E en proba de conformidade cos termos do presente convenio, as partes comparecentes asínano e rubrícano por duplicado no lugar e data expresados.

O conselleiro de Cultura, Educación e Universidade e O presidente da Real Academia Galega de Belas Artes de Nosa Señora do Rosario

Román Rodríguez González

Manuel Quintana Martelo

Anexo I

MEMORIA ECONÓMICA DO CUSTO DAS ACTUACIÓNS

D/Dña _____

con DNI _____, en nome e representación da

entidade _____,

con CIF _____

DECLARA

Que os gastos que de seguido se relacionan, teñen relación directa co convenio de colaboración asinado coa Consellería de Cultura, Educación e Universidade para

Acredor	Nº fra.	Data fra.	Importe	Data pago
Suma dos investimentos				

Lugar e data

Sinatura

Anexo II

DECLARACIÓN EXPRESA DE AXUDAS SOLICITADAS E CONCEDIDAS PARA AS MESMAS ACTUACIÓNS E DECLARACIÓN DE NON ATOPARSE INCURSO/A EN NINGUNHA DAS PROHIBICIÓNS PARA OBTEN A CONDICIÓ DE BENEFICIARIO DE AXUDAS

D/Dña _____ con DNI _____,
en nome e representación da entidade _____,
con CIF _____

DECLARA BAIXO A SÚA RESPONSABILIDADE:

A) Que para a seguinte actuación _____, a devandita entidade solicitou ou obtivo as axudas que se relacionan a continuación:

AXUDAS CONCEDIDAS

ORGANISMOS	ANO	IMPORTE (€)	DISPOSICIÓN REGULADORA

AXUDAS SOLICITADAS

ORGANISMOS	ANO	IMPORTE (€)	DISPOSICIÓN REGULADORA

Así mesmo, a entidade comprométese a comunicar inmediatamente cantas axudas solicite ou obteña para as mesmas actuacións doutras administracións públicas ou doutros entes públicos ou privados, nacionais ou internacionais, a partir da data desta declaración.

B) Que non se atopa incurso/a en ningunha das prohibicións para obter a condición de beneficiario recollidas no artigo 10.2 da Lei 9/2007, do 13 de xuño, de subvencións de Galicia.

E para que así conste ante a Consellería de Cultura, Educación e Universidade, asina esta declaración no lugar e data abaixo indicados.

_____, ____ de _____ de 2022.

Anexo III

AUTORIZACIÓN PARA A CESIÓN DE INFORMACIÓN RELATIVA ÁS OBRIGAS TRIBUTARIAS CO ESTADO, COA COMUNIDADE AUTÓNOMA DE GALICIA E COA SEGURIDADE SOCIAL.

Don/dona:

con enderezo en

DNI núm.:

en nome propio/en representación de

con CIF núm.

(cumprimentar o que proceda)

AUTORIZA á Consellería de Cultura, Educación e Universidade da Xunta de Galicia a solicitar a cesión da información por medios informáticos ou telemáticos, sobre a circunstancia de estar ou non ao corrente das súas obrigas tributarias co Estado así como coa Comunidade Autónoma de Galicia e coa Seguridade Social, para os efectos da percepción da subvención derivada da sinatura deste convenio de colaboración, de acordo co establecido na Lei Orgánica 3/2018, do 6 de decembro, de protección de datos persoais e garantía dos dereitos dixitais e no Real decreto 1720/2007, do 12 de decembro, polo que se aproba o seu Regulamento de desenvolvemento, e a disposición adicional cuarta da Lei 40/1998, do 9 de decembro, do imposto sobre a renda das persoas físicas e outras normas tributarias, e demais disposicións de aplicación.

_____, ____, de _____ de 2022

Sinatura